

# **Universitätsbibliothek Paderborn**

## **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

Complectens ea quæ ad Sacmenta & mores pertinent

**Abelly, Louis**

**Coloniæ Agrippinæ, 1659**

V. Quinam sint effectus huius Sacramenti.

**urn:nbn:de:hbz:466:1-38979**

Obiicies, in variis scripturæ locis dici solum Deum  
mittere peccata, delere iniquitates.

Respondet S. Doctor suprà, iis locis nihil aliud signifi-  
cari, quàm Dei filius esse tanquam causæ principalis per  
propriam autoritatem peccata remittere; quod non im-  
pedit quin sacerdotes eiusdem Dei nomine peccata re-  
mittant per modum causæ ministerialis seu instrumen-  
talis.

## SECTIO V.

*Quinam sint effectus huius Sacramenti.*

**P**RIMVS Sacramenti Pœnitentiaæ effectus, est remissio  
omnium, & quorumcunque peccatorum mortalium  
post susceptionem Baptismi commissorum quantum-  
cunque gravia sunt & enormia; cum potestas peccata re-  
mittendi à Christo Domino collata Sacerdotibus S. Ioh.  
20. ad omnia peccata, nullo prorsus excepto, se extendat  
& hoc definitum habetur in Concilio Later. sub Innocen-  
tio III. cap. Firmiter extra de summa Trinit. ubi sine illa  
exceptione aut restrictione dicitur, peccatum quodcumque  
post Baptismi susceptionem commissum posse per Pœni-  
tentiam reparari.

Obiicies Christum Dominum S. Matth. 12. & S. Matr.  
declarasse peccatum in Spiritum sanctum neque in ha-  
sæculo remitti neque in futuro.

Resp. 1. per peccatum in Spiritum sanctum intelligi  
Aug. Ser. 11. de verb. Dom. & Epist. 50. ad Bonifacium pe-  
ccatum finalis im-pœnitentia, quod certum est nunquam  
remitti; cum post illud commissum peccator sit extra statu-  
tum via, nec proinde sit amplius pœnitentia aut absolu-  
tionis capax.

Resp. 2. alios SS. Patres per peccatum in Spiritum san-  
ctum intellexisse peccatum illud, quo quis veritatem al-  
quam à Deo revelatam, & ut sic cognitam, ex certa malitia  
impugnat. Ita SS. Athanas. Chrys. Basil. Ambros. Hieron. &

alii apud Bellatin. lib. 2. de Pœn. c. 16. Dici autem irremissibile, non quod absolute remitti non possit, si peccator verè de illo pœnitentiat, illudque clavibus Ecclesia subiicit; sed quia ordinarie, & ut plurimum, quia tale peccatum commisit, de illo ob propriæ voluntatis perversitatem non pœnitit, nec proinde illius remissionem accipit; sicut alia peccata citatis locis dicuntur remitti, non quod semper de facto remittantur ( cum multi de illis non pœnitentiantur ) sed quia ut plurimum & ordinarie pœnitentibus condonantur.

Secundus huius Sacramenti effectus, est remissio peccatorum venialium, quæ sicut quivis potest pie & salubriter in confessione declarare, ita de illis quoque remissionem virtute illius Sacramenti consequi posse certum est, ut ex ante dictis patet.

Est autem difficultas inter Theologos, qua ratione peccata illa in Sacramento Pœnitentia remittantur. O non est hic fuis explicare) probabilissimè loqui videntur iij, qui asserunt, hanc peccatorum venialium remissionem in Sacramento Pœnitentia fieri per gratiam sanctificantem, per hoc Sacramentum ex opere operato producnam, non solum secundum se præcisè consideratam, sed præsertim ut daram intuitu prævia de illis attritionis, qua ratione formalem cum illis peccatis habet repugnatiā, cum sit gratia reconciliationis ab ipsis. Ita Vasq. in 1.2. disp. 207. cap. 4. ex qua doctrina sequitur, ad hoc, ut quis in Sacramento Pœnitentia peccatorum venialium remissionem consequatur, necessarium esse, non modo, ut nullam actualē circa peccata illa complacentiam habeat; sed præterea requiri, ut formale n de iis, vel saltem virtualem contritionem, aut attritionem concipiatur: ita ut quamvis unum aut alterum in confessione declareret, si tamen de aliis omnibus generatim verè ex animo doleat, virtute Sacramenti illorum omnium remissionem consequatur: quod ideo hic obiter observamus, ut cuique facilius & certius innoteat, neque necessarium, imò neque fatis.

Satis consultum esse omnia, & singula peccata venialia gillatim in confessionibus quotidiani declarare, quod liqui scrupulosius faciunt; sed uno aut altero graviori explicato, si nullum mortale subsit, de his & reliquis omnibus verum dolorem & emendationis propositum compere, & sic beneficium absolutionis recipere.

Quares, quomodo peccata venialia extra Sacramentum Poenitentiae remittantur. Resp. 1. Iuxta doctrinam Thomae q. 87. a. 1 ad peccatorum venialium remissionem extra Sacramentum Poenitentiae non sufficere habitus displicantiam, quae in habitu charitatis includitur; alii nullus iustus peccati venialis reatum haberet: sed requiri displicantiam de illis formalem, quae in actu perfectae contritionis reperitur, aut saltem virtualem contentam in actu dilectionis Dei, quo quis ipsum sic diligit, ut, si peccata venialia quae commisit menti occurrent, perfecte de illis dolorem conciperet. Ita Alensis in 4. part. quæst. memb. 3. art. 4. Palud. in q. dist. 16. quæst. 1. art. 2. & plures alii Theologi. Quamvis etiam probabilis videatur sententia Dom. Sotii in 4. dist. 15. quæst. 2. art. 1. Suar. disp. 11. fid. 3. & quorundam aliorum Doctorum, qui docent modo per contritionem formalem & virtualem, sed iam per attritionem de illis ex motivo supernaturali etiam eiusmodi peccata remitti: certè S. Bernard. Cena Dom. de peccatis illis venialibus loquens dicit, *non esse pro eis nimis esse sollicitum: Deum facile ignorare, & libenter, si tantummodo nos agnoscamus. In huiusmodi namque quasi inevitabilibus & negligentiam culpabilem esse, & timore inordinatum.*

Resp. 2. remitti quoque peccata venialia, tum per alias Sacramentorum susceptionem, dummodo suscipiente vere de peccatis illis doleat, tum etiam per usum Sacramentalium, ut docet S. Thomas q. 87. a. 3. nomine autem Sacramentalium Theologi communiter intelligunt quasdam vel actiones sacras ab Ecclesia eo fine instituta, ut per illarum usum peccatorum venialium remissio obsecetur.

Variè autem à Theologis Sacramentalia illa solent enumerari: præcipua, & de quibus apud omnes constat sunt quinque, scilicet *Aqua benedicta*, ut habetur cap. *Aquam de cōf. dist. 3. Panis benedictus*; c. ēū omne crimen, de consec. dist. 2. *Benedictio Episcopalis*; cap. *Dictum est*, dist. 1. quæst. 2. *Oratio devote ad Deum fusca in Ecclesia dedicata*; ex ipso ritu dedicationis Ecclesiarum intelligitur. Et qualibet Sacramentalis unctio, ut docet S. Thom. cit. art. 3. id est, unctio illa, quæ sit in quibusdam Sacramentis ex solo Ecclesia instituta.

Remittuntur autem peccata venialia per Sacramentum illorum usum, non quidem ex opere operato, ut quidam Theologi minùs probabiliter dixerunt, sed tantum ex opere operantis; quatenus per preces Ecclesiae, quæ in eiusmodi Sacramentalium usu nobis applicantur, actualia quædam gratia auxilia impetrantur, quibus excitamur ad actum aliquem formalem aut virtualem contritionis de illis peccatis venialibus concipiendum Ita S. Thom. cit. 2. 3. ad 3. ubi dicit, quod per Sacramentali tolluntur peccata venialia virtute charitatis, cuius motus perilla excitatur.

Quod si quæstio intelligatur de peccatis venialibus, cum quibus iustus ex hac vita decedit, dicendum est cum S. Doctore q. 7. de malo art. II. Illa remitti posse hanc vitam quantum ad culpam, eo modo, quo remittuntur in hæ vita; scilicet, per alium charitatis in Deum repugnantem venialibus in vita commisſis.

Neque dicas, nullum esse in altera vita merito locum, nec proinde contritionem tunc peccatorum venialium remissionem posse promereri. Respond. enim, peccata illa & meritorius; sed quatenus est forma quædam peccato veniali repugnans illudque ex anima expellens.

Sunt etiam alii huius Sacramenti effectus præter duos supra explicatos, quorum præcipui sunt pax, & serenitas conscientia cum vehementi Spiritus sancti consolatione, ut declarat Concil. Trident. sess. 14. cap. 3. quibus addere possumus reviviscentiam bonorum operum perpeccatum mortale.

mortale extinxitorum „ de qua sectione sequentia gloriā  
dam est.

## SECTIO VI.

*Vtrum per Pœnitentia Sacramentum merita  
bonorum operum reviviscant.*

**D**E DVPLICI bonorum operum genere quæstio propterea mortalia  
sita intelligi potest; primò de illis, quæ in statu peccati mortaliter excentur, & vocantur mortua; secundò de illis, quæ in statu quidem gratiæ facta sunt, sed statu per peccatum mortale labefactato, vim quoque suam meritum amiserunt. De utrisque igitur quæritur, an per gratiam in Sacramento Pœnitentia acceptam quoad ritum reviviscant: pro cuius resolutione.

Dicendum 1. opera bona facta in statu peccati mortali nihil unquam homini justificato ad gloriam consequam profutura esse. Ita S. Thom. q. 89. a. 6. & confessare quæ in priore huius operis parte tract. 6. à nobis dicitur sunt de conditionibus operis vita æternæ meritoris, quærum prima & præcipua hæc est, ut fiat ab homine in gratiæ sanctificantis; unde S. Aug. tract. 71. in S. Ioan. explicans hæc Christi Domini verba *Sine me nihil potestis facere*, dicit, opera fidelium à Christo Domino per peccatum mortale excisorum nihil illis ad vitam æternam consequam prodesse: quod quamvis verum sit, rectè nihil minus monet S. Doctor in responsione ad 3. non esse pessimum inutilia eiusmodi opera bona in statu peccati mortali facta, ut fusius explicavimus in cit. tract. 6. uade S. Hieron. in cap. 1. Aggæi, *Siquando videris, inquit, inter multa mala opera facere peccatorum quemquam aliqua quæ iusta sunt;* non est tam iniustus Deus, ut propter multa mala obliviscatur operum bonorum.

Dicendum 2. bona opera in statu gratiæ sanctificantis facta, & per peccatum mortificata, huius Sacramentivitatem reviviscere; ita utius, quod homo sibi ad æternam gloriam